

**Lárionad na Gaeilge: Taighde, Teagasc agus Tástáil  
Ollscoil Mhá Nuad**



**Teastas Eorpach na Gaeilge  
Meánleibhéal 1 (B1)**

Scrúdú Cainte  
Scrúdú samplach 2



**Ollscoil  
Mhá Nuad**  
Ollscoil na hÉireann  
Mhá Nuad



*An Roinn  
Ealaíon, Oidhreacht agus Gaeltachta*  
*Department of  
Arts, Heritage and the Gaeltacht*



**Crannchur  
Náisiúnta**



## An Scrúdú Cainte Meánleibhéal 1 (B1)

- Iarrthóir amháin a bheidh faoi scrúdú ag aon am faoi leith.
- Beidh beirt scrúdaitheoirí ann. Beidh duine amháin acu ag cur na gceisteanna agus i mbun stiúrtha agus measúnachta agus beidh an duine eile i mbun measúnachta an t-am ar fad agus ní bheidh sé/sí páirteach sa chomhrá.
- Déanfar gach scrúdú cainte a thairdeadh.
- Tá trí chuid sa scrúdú seo agus tá gach ceist acu sin ar cómharc.
- Cuirtear treoir chinnte agus oiliúint chuimsitheach maidir le measúnú ar fáil dóibh siúd a bheidh i mbun na scrúduithe cainte.
- Déanfar measúnacht ar na gnéithe seo a leanas: tuiscint agus líofacht, smacht ar an ngramadach, stór focal, foghraíocht agus straitéisí cumarsáide.
- Dóibh siúd a bheidh ag tabhairt faoin lánchreidiúint, beidh 30% de mharc iomlán an scrúdaithe ag dul don Scrúdú Cainte.

### Cuid 1

- Comhrá ginearálta idir an t-iarrthóir agus an scrúdaitheoir a bheidh sa chuid seo den scrúdú.
- Bainfidh na ceisteanna le topaicí ginearálta faoi mar atá leagtha síos sa siollabas, mar shampla cúlra, áit chónaithe, cúrsaí oibre nó staidéir, oideachas, caitheamh aimsire agus ábhair eile.
- Beifear ag súil leis go mbeidh na hiarrthóirí in ann tuairimí simplí a nochtadh maidir leis na hábhair, chomh maith le cur síos a dhéanamh ar rudaí a tharla dóibh agus pleananna atá acu.
- Moltar do na hiarrthóirí freagraí loma a sheachaint. Ba cheart dóibh iarracht a dhéanamh forbairt a dhéanamh ar a gcuid freagraí agus cúiseanna a thabhairt agus samplaí a chur ar fáil, oiread agus is féidir.
- Moltar go láidir do na hiarrthóirí gan píosáí a chur de ghlanmheabhair don scrúdú cainte.

### Cuid 2

- Tabharfar cárta don iarrthóir sa scrúdú. Beidh eochairfhocail ar an gcárta a bhaineann le himeacht/le pleananna/le socrúithe agus araile. Beidh **nóimead amháin** ag an iarrthóir leis an eolas a léamh. Tabharfaidh an t-iarrthóir freagra ar cheisteanna an scrúdaitheora maidir leis an eolas ar an gcárta rólghníomhaíochta.
- Beidh cárta ag an scrúdaitheoir ar a bhfuil eolas macasamhail an eolais a bhí ar chárta an iarrthóra. An uair seo, beidh ar an iarrthóir ceisteanna a chur ar an scrúdaitheoir faoin eolas atá tugtha ar an rólchárta atá aige/aici. Féach an sampla thíos agus an sampla eile i Scrúdú Cainte Samplach 1.

### Cuid 3

- Tabharfaidh an scrúdaitheoir pictiúr/grianghráf/cartún nó sraith pictiúr/grianghráf/cartún don iarrthóir. Radhairc ón ngnáthshaol a léireofar iontu. Féach an sampla thíos agus an sampla eile i Scrúdú Cainte Samplach 1.
- Beidh **nóimead amháin** ag an iarrthóir le breathnú ar an mbileog sula ndéanfaidh sé/sí cur síos don scrúdaitheoir ar an méid atá le feiceáil.

*Meánleibhéal 1 (B1) Scrúdú samplach 2*

- Ba cheart don iarrthóir cur síos chomh hiomlán agus is féidir leis/léi a dhéanamh ar na daoine atá sa phictiúr agus/nó ar an méid atá ag tarlú. Ní bheifear ag súil leis ag an leibhéal seo go ndéanfadh na hiarrthóirí trácht ar chomhthéacs na bpictiúr ná ar cheisteanna ginearálta a ardaítear iontu.
- Ní bheifear ag súil leis na hiarrthóirí aon sainfhoclóir a bheith acu, ach beidh marcanna le gnóthú acu siúd a léiríonn go bhfuil siad in ann straitéisí oiriúnacha ar nós athleagan (*paraphrase*) a úsáid nuair nach bhfuil an focal ceart acu nó nuair nach féidir leo cuimhneamh ar an bhfocal ceart.
- Beifear ag súil leis na hiarrthóirí a léiriú go bhfuil ar a gcumas píosaí leanúnacha cainte a eagrú agus a chur i dtoll a chéile.

## Cuid 2 Rólghníomhaíocht: (1 nóiméad ullmhúcháin + 3-4 nóiméad)

### Rólghníomhaíocht shamplach: Ag déanamh socruithe

- Abair an méid seo a leanas leis an iarrthóir.  
*Tá duine atá ag obair leat ag dul ar pinsean. Tá sibh ag eagrú dinnéir di. Tá an t-eolas faoi na socruithe sa chárta atá agat ansin. Cuirfidh mise cúpla ceist ort faoi na socruithe sin.*
- Tabhair nóiméad amháin dó/di le breathnú ar ábhair an chárta.
- Tosaigh **tusa** agus cuir ceisteanna ar an iarrthóir. Féach an comhrá samplach thíos.
- Nuair a bheidh an méid sin déanta, tabhair deis don iarrthóir ceisteanna a chur ortsa maidir le hócáid atá beartaithe agaibhse do dhuine eile atá ag éirí as.

### Cárta an iarrthóra

Ócáid?	Rúnaí / Bríd / éirí as / 35 bliain sa scoil
Áit?	Bialann / Síneach / Óstán Uí Néill / lár / an chathair
Dáta?	Aoine / 19 Samhain / 7.30
Taisteal?	Bus / geataí / scoile / 6.50
Bronntanas?	Ríomhaire glúine €375 / €15 an duine
Daoine?	Timpeall 25 (ón scoil) <b>ach</b> an príomhoide / cúrsa / Corcaigh

### Comhrá samplach

**S:** Cén fáth a bhfuil dinnéar á eagrú agaibh / Cén ócáid atá ar siúl?

**I:** Tá an rúnaí, Bríd, ag éirí as an obair. Tá cúig bliana is tríocha caite aici ag obair sa scoil.

**S:** Cén áit a mbeidh an dinnéar?

**I:** Sa bhialann Shíneach in Óstán Uí Neill i lár na Cathrach.

**S:** Cén uair a bheidh sé ar siúl?

**I:** Ar an Aoine an naoú lá déag de mhí na Samhna, ag tosú ag leathuair tar éis a seacht.

**S:** An mbeidh bus ag dul ann?

**I:** Beidh. Beidh bus ag imeacht ó gheataí na scoile ag deich nóiméad go dtí a seacht.

**S:** An bhfuil sibh chun bronntanas a cheannach di?

**I:** Tá. Táimid chun ríomhaire glúine a fháil di. Cosnaíonn sé trí chéad seachtó is a cúig euro ar fad - sin cúig euro déag an duine.

**S:** An mbeidh mórán daoine ann?

**I:** Timpeall fiche is a cúig nó mar sin. Ní bheidh an príomhoide ann mar beidh sí ag freastal ar chúrsa i gCorcaigh an lá sin.

**S:** Go raibh míle maith agat as sin.

### Cárta an scrúdaitheora

Ócáid:	Bainisteoir / ag éirí as
Áit?	Bialann / Iodálach / cathair
Dáta?	Satharn / 1 / Nollaig / 8.00
Taisteal?	Mionbhus / lár / baile / 7.15
Bronntanas?	Seodra / €300 / €20 an duine
Daoine?	15 ón fhoireann / roinnt cairde

**Abair leis an iarrthóir: Anois, tá cárta eile agam anseo. Cárta faoi na socruithe atá déanta do dhuine eile atá ag dul ar pinsean. Cuir tusa cúpla ceist ormsa faoi na socruithe sin.**

## Cárta an Iarrthóra don Rólghníomhaíocht

### Rólghníomhaíocht shamplach 2: ag déanamh socrúithe

- Tá rúnaí atá ag obair sa scoil leat ag dul ar pinsean.
- Tá sibh ag eagrú dinnéir di.
- Tá an t-eolas faoi na socrúithe sa chárta thíos.
- Tá nóiméad amháin agat anois leis an eolas a léamh.
- Freagair na ceisteanna a chuirfidh an scrúdaitheoir ort faoi na socrúithe.
- Ansin cuir ceisteanna ar an scrúdaitheoir faoin gcárta atá aige/aici.

Ócáid?	Rúnaí / Bríd / éirí as / 35 bliain sa scoil
Áit?	Bialann/ Síneach / Óstán Uí Néill / lár / an chathair
Dáta?	Aoine / 19 Samhain / 7.30
Taisteal?	Bus / geataí / scoil / 6.50
Bronntanas?	Ríomhaire glúine €375 / €15 an duine
Daoine?	Timpeall 25 (ón scoil) <b>ach</b> an príomhoide / freastal / cúrsa / Corcaigh

### Cuid 3 Bileog an iarrthóra

- Féach ar an mbileog thíos.
- Tá **nóiméad amháin** agat le féachaint ar na pictiúir agus le bheith ag smaoineamh faoin ábhar.
- Déan cur síos ar an scéal atá sna pictiúir. Tosaigh le Pictiúr 1 agus téigh ar aghaidh go dtí an ceann deireanach, Pictiúr 6.
- Freagair aon cheisteanna a chuirfidh an scrúdaitheoir ort.

